

**CONCORS**

I puecșj disponibilii a son 122 cun 73 borsis di studi, al è timp fin ai 30 di Setembar.

# Publicâts i bants pai dottorâts

Fin ai 30 di Setembar ae Universitât dal Friûl al è pussibil presentâ domande di iscrizion ai concors di amission al 12 cors di Dotorât di ricercje dal 29m cicli cun sede amministrative, pal an academic 2013/2014, a Udin. A lôr si zontin altris 3 cors di Dotorât che l'ateneu furtaç al partecipe, 2 cun sede amministrative a Triest e 1 a Vignesie Ca' Foscari. I dottorâts cun sede amministrative a Udin a ufrissin 122 puecșj. Lis borsis di studi a son 73, 14 finanziadis di

subiets convenzionâts. Informazions sui cors, modalitâts e crêteris di acês, caracteristicis pe partecipazion, calendari des provis di exam si cjatin te pagjine <http://offerta.uniud.it/it/ricerca/dottorato>. Lis domandis, che a puedin jessi presentadis ancje par plu cors di dottorât, a varan di rivâ dentri des oris 12 de ultime di buine. Referent pai cors di Dotorât al è l'Ufici formazion pe ricercje, li de Aree servizis pe ricercje de Universitât dal Friûl, in androne Florie 4 a Udin. Par informazions o sciariments, si

pues clamâ dal lunis al vinars des 11 aes 13 par telefon ai numars +39 0432 556370/71/77/83 o scrivi par fax al numar +39 0432 556299. Lis borsis di studi, assegnadis daûr de graduatorie gjenerâl di merit, a àn durade anuâl e a son rinovadis di un an in chel altri par un periodi massim pâr ae durade trienâl di ogni cors di dottorât. L'impuart anuâl des borsis di studi al è di 13.638 euros. Chesj i 12 cors di Dotorât cun sede amministrative a Udin: Medisine celulâr e molecolâr;

Siencis biomedichis e biotecnologjichis; Siencis e biotecnologjii agrariis; Siencis dai aliments; Informatiche e siencis matematichis e fisichis; Inzegnarie civil, architeture e teritori; Inzegnarie industriâl e de informazion; Siencis de inzegnarie energetiche e ambientâl; Siencis diretivis e atuariâls; Siencis juridichis; Studis linguisticis e leteraris; Studis storicis artisticis e audiovisifs. A lôr si zontin i 3 Dotorâts cun sede amministrative intes Universitâts di Triest, in Siencis dal ambient e de



vite e in Storie des societâts, des istituzions e dal pinsîr, de ete di mieç ae Etât contemporanie, e di Vignesie Ca' Foscari, in Siencis de antichitât.